
OFFERYNNAU STATUDOL CYMRU

2002 Rhif 3226 (Cy.306)

IECHYD PLANHIGION, CYMRU

**Rheoliadau Tatws sy'n Deillio o'r Aifft
(Diwygio) (Cymru) (Rhif 2) 2002**

Wedi'u gwneud - - 23 Rhagfyr 2002
Yn dod i rym - - 24 Rhagfyr 2002

Mae Cynulliad Cenedlaethol Cymru, gan ei fod wedi ei ddynodi(1) at ddibenion adran 2(2) o Ddeddf y Cymunedau Ewropeaidd 1972(2) o ran polisi amaethyddol cyffredin y Gymuned Ewropeaidd, drwy arfer y pwerau a roddwyd iddo gan yr adran 2(2) a enwyd, drwy hyn yn gwneud y Rheoliadau canlynol:

Teitl, cymhwyso a chychwyn

1. Enw'r Rheoliadau hyn yw Rheoliadau Tatws sy'n Deillio o'r Aifft (Diwygio) (Cymru) (Rhif 2) 2002; maent yn gymwys i Gymru, a deuant i rym ar 24 Rhagfyr 2002.

Diwygio Rheoliadau Tatws sy'n Deillio o'r Aifft 1998

2.—(1) Diwygir Rheoliadau Tatws sy'n Deillio o'r Aifft 1998(3) fel y maent yn gymwys i Gymru yn unol â pharagraff (2) isod.

(2) Yn yr Atodlen, yn y golofn â'r pennawd "*Instrument*", ar ôl "*Commission Decision 2001/664/EC*", ychwanegir "*Commission Decision 2002/903/EC*"(4), ac yn y golofn â'r pennawd "*Reference*", ar ôl "*OJ No. L233, 31.8.01, p. 49*", ychwanegir "*OJ No. L312, 15.11.02, p. 28*".

(1) O.S. 1999/2788.

(2) 1972 p. 68.

(3) O.S. 1998/201, fel y'i diwygiwyd gan O.S. 1998/3167, O.S. 2000/350 (Cy.8), O.S. 2001/2356 (Cy.194) ac O.S. 2002/120 (Cy.14).

(4) OJ Rhif L312, 15.11.02, t. 28.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(5)

23 Rhagfyr 2002

Rhodri Morgan
Prif Weinidog Cynulliad Cenedlaethol Cymru

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gweithredu yng Nghymru Penderfyniad y Comisiwn [2002/903/EC](#) (OJ Rhif L312, 15.11.02, t. 28) sy'n diwygio Penderfyniad y Comisiwn [96/301/EC](#) ("y prif Benderfyniad") (OJ Rhif L115, 9.5.1996, t.47) sy'n awdurdodi Aelod-wladwriaethau, dros dro, i gymryd camau brys yn erbyn lledaenu *Pseudomonas solanacearum* (Smith) Smith mewn cysylltiad â'r Aifft. Maent yn gwneud hynny drwy ychwanegu Penderfyniad y Comisiwn [2002/903/EC](#) at y rhestr o offerynnau sy'n diwygio'r prif Benderfyniad sydd wedi ei gynnwys yn yr Atodlen i Reoliadau Tatws sy'n Deillio o'r Aifft 1998 ([OS 1998/201](#)) (rheoliad 2). Mae penderfyniad [2002/903/EC](#) yn adnewyddu'r gyfundrefn y gellir mewnforio tatws o dani i diriogaeth y Gymuned Ewropeaidd ar gyfer tymor 2002/2003.

Cyfeirir bellach at *Pseudomonas solanacearum* (Smith) Smith fel *Ralstonia solanacearum* Smith (Yabuuchi) et al. (gweler Cyfarwyddeb y Cyngor [98/57/EC](#) (OJ Rhif L235, 21.9.1998)).

Nid yw Arfarniad Rheoliadol wedi ei wneud ynglŷn ag ymestyn y rheolaethau hyn i dymor 2002/2003.